

Abt von Caen, ohne Zweifel des Klosters, dem er selbst angehörte, die ich, wenn sie auch nicht gerade schön ist, doch dem Leser nicht vorenthalten will. Die Reimerei hat leider auch hier den Vf. oft zu schwer verständlichem Ausdruck verleitet. Prasserei auf Kosten des Klosters, während der Convent Noth leidet, ist der wesentlichste Vorwurf.

Invectura Nicholai in abbatem Cadumensem.

Secretis mensis taurus gaudet Cadumensis,

Et de communi victum sibi contulit uni.

Urguet¹ namque chorum sitis atque fames monachorum,
Potat et ipse nimis, dapibusque repletur opimis.

5 Cumque Falerna bibat privatim, pocula libat
Cervisie vilis fratrum conventus herilis,
Hunc vacuus venter contristat tam vehementer,
Ut ventris morbi formam gerat aut patris orbi.

Cum satur est, plaudit derisor ad omne quod audit,
10 Et quasi per risum lucraturus paradisum,
Quolibet ex visu sua concutit ilia risu.

Hic subsannator², non abbas, sed ioculator,
Prefert virtuti verbis iocularibus uti.

Cottidianarum³ gravis aggere deliciarum,
15 Splendenti cena gaudet post prandia plena.
Neu taceam verum, is⁴ in unaquaque dierum,
Fercula sumpta decem, ventris cumulans sibi fecem,
Tempore quem caro ventri largitur avaro,
Large bis senos saciaret victus egenos.

20 O sine labe virum! non est, michi credite, mirum,
Venter si turget quem sarcina tam gravis urget.
Corpus tam crassum non est ieiunia passum:
Si ieiunasset, carnem macie tenuasset.
Nullus in orbe Dei tante fuit ingluviei.

25 Inmoderate Nero, sermone loquar tibi vero:
Tantum sepe voras, quod post ut asella laboras,
Cui⁵ labor est partus, angustia dissipat artus.
Molem ventre geris, qua pregnans esse videris:
Paucos aute dies, michi crede, puerpera fies.

30 Femina nubendo fit pregnans, tu comedendo.
Quod concepisti, partu te reddere tristi,
Quam mea musa rogat, divina potentia cogat,
Cumque cruore vomas et anhelo gutture promas,
Importune canis, rapti michi fragmina panis.

35 Commentor fraudis, postponens omne quod audis,
Hoc ridendo voras, quod vox mea plangit in horas.
Quid tua, seductor, contra molimina luctor?

1) 'Urget' Rem.

2) 'sussannator' R.

3) 'Cotid'. Cl.

4) ,fit' R.

5) 'Cum' Cl.